

**ԵՐԵՎԱՆԻ ԱՎԱԳԱՆՈՒ
ԻՄ ՔԱՅԼԸ ԽՄԲԱԿՑՈՒԹՅԱՆ ԱՆԴԱՄ
ՊԱՐՈՆ Հ. ՑԻՐՈՒՆՅԱՆԻՆ**

Հարգելի պարոն Ցիրունյան.

Ի պատասխան Ձեր **14.05.2019թ. հ.01/244** գրության՝ տեղեկացվում է, որ Երևանի ներհամայնքային միկրոավտոբուսային **հ.23** երթուղուց բացի Հաղթանակ թաղամասը նախկինում սպասարկող ավտոբուսային **հ.56** երթուղու աշխատանքը դադարեցվել է՝ երթուղին շահագործող կազմակերպության կողմից դրա սպասարկումից հրաժարվելու պատճառով, որի արդյունքում որոշակիորեն վատթարացել է թաղամասի բնակիչների տրանսպորտային սպասարկման վիճակը:

Հաղթանակ թաղամասի բնակիչների սպասարկումը բարելավելու նպատակով, փորձնական կարգով, միկրոավտոբուսային **հ.34** երթուղու ուղեգիծը երկարացվել էր մինչև Հաղթանակ թաղամաս, հաշվի առնելով այն հանգամանքը, որ երթուղին հիմնականում կրկնում է ավտոբուսային **հ.56** երթուղուն՝ ՀԱԹ-ով, Լենինգրադյան, Կիևյան փողոցներով, Կոմիտասի պողոտայով մինչև Զեյթուն թաղամաս («Ալմաստ» գործարանի մոտ), սակայն մոտ մեկ շաբաթ աշխատելուց հետո երթուղին սպասարկող ընկերությունը, երթուղու շահագործման ցածր արդյունավետության պատճառով, հրաժարվել է մտնել Հաղթանակ թաղամաս:

Ելնելով Հաղթանակ թաղամասի բնակիչների տրանսպորտային սպասարկման վիճակի բարելավման անհրաժեշտությունից, թաղամասը սպասարկող միկրոավտոբուսային **հ.23** երթուղու ուղեգիծը երկարացվել է մինչև Կաթի կոմբինատ (ավտոբուսային **հ.56** երթուղու վերջնականգամ): Հանձնարարվել է միկրոավտոբուսային **հ.23** երթուղին սպասարկող ընկերությանը՝ հնարավորինս ավելացնելու գիծ դուրս բերվող շարժակազմի քանակը (ներկայումս երթուղու սպասարկումն իրականացվում է միջինը **15-16** միավոր շարժակազմով) և կանոնավորել երթուղու աշխատանքը, մասնավորապես՝ երեկոյան ժամերին:

Միաժամանակ տեղեկացվում է, որ միկրոավտոբուսային **հ.23** երթուղու աշխատանքը վերցված է հսկողության տակ, իսկ առաջին իսկ հնարավորության դեպքում կքննարկվի Հաղթանակ թաղամասում ևս մեկ երթուղու շահագործման հարցը, այդ թվում՝ որևէ նոր կազմակերպության կողմից ցանկություն հայտնելու դեպքում:

ԵՐԵՎԱՆԻ ՔԱՂԱՔԱՊԵՏԱՐԱՆ

